

Ministarstvo zdravstva

Na osnovu člana 70. st. 1. i 2. Zakona o organizaciji organa uprave u Federaciji BiH ("Službene novine Federacije BiH", broj 35/05) i člana 6. stav 1. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13 i 27/14), Ministarstvo zdravstva Kantona Sarajevo donosi

ODLUKU

O SLOBODNIM LOKACIJAMA ZA OSNIVANJE APOTEKA ZA 2018. GODINU NA PODRUČJU KANTONA SARAJEVO

I

Ovom Odlukom definišu se slobodne lokacije za osnivanje apoteka na području Kantona Sarajevo za 2018. godinu, u skladu sa demografskim i geografskim kriterijima utvrđenim Pravilnikom o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13 i 27/14) (u daljem tekstu: Pravilnik).

II

U skladu sa utvrđenim kriterijima propisanim čl. 3 i 4. Pravilnika, Ministarstvo zdravstva Kantona Sarajevo utvrđuje slobodne lokacije i to:

1. Općina Vogošća 2 apoteke:
 - a) industrijska zona koja gravitira naselju Blagovac - 1 apoteka,
 - b) naselje Ugorsko - 1 apoteka
2. Općina Novi Grad 4 apoteke:
 - a) za naselje Nova Otoka - 2 apoteke,
 - b) za naselje Miljacka - 1 apoteka,
 - c) Mjesna zajednica Alipašino Polje C 1 - 1 apoteka
3. Općina Stari Grad - MZ Kovači - 1 apoteka
4. Općina Centar za područje Betanije koja pripada Mjesnoj zajednici Betanija Šip - 1 apoteka
5. Općina Ilidža - 2 apoteke
 - a) za područje Mjesne zajednice Blažuj - dio od Mostarskog raskršća do Miševića - 1 apoteka/depo apoteka
 - b) za područje Mjesne zajednice Vreoca 1 apoteka/depo apoteka
6. Općina Ilijaš - za područje Mjesne zajednice Mrakovo - 1 depo apoteka

III

Zahtjeve za izdavanje prethodne saglasnosti, za lokacije utvrđene tačkom II ove Odluke, treba dostaviti Ministarstvu zdravstva u roku od 8 dana od dana objave ove Odluke u "Službenim novinama Kantona Sarajevo".

IV

Ministarstvo zdravstva Kantona Sarajevo će u roku od 7 dana izdati saglasnost za lokacije utvrđene tačkom II ove Odluke, prema redoslijedu kojim su podneseni zahtjevi, uzimajući u obzir i zahtjeve koji su zaprimljeni u periodu od donošenja Odluke o slobodnim lokacijama za 2016. godinu broj 10-05-9626/16, do donošenja ove Odluke.

V

Osnivač buduće apoteke odnosno budući nositelj odobrenja za privatnu praksu kojem je izdata prethodna saglasnost na lokaciju, dužan je podnijeti zahtjev za osnivanje apoteke s potpunom dokumentacijom shodno Pravilniku, najkasnije tri mjeseca od dobijanja saglasnosti.

Ukoliko se u utvrđenom roku, ne podnese zahtjev s potpunom dokumentacijom shodno Pravilniku, ista će se poništiti.

VI

U slučaju nerentabilnog poslovanja apoteke, Ministarstvo zdravstva Kantona Sarajevo neće izdavati zamjenske lokacije, niti odobrenja za preseljenje apoteke, niti će snositi bilo kakvu odgovornost za izdatu prethodnu saglasnost za lokacije utvrđene u tački II ove Odluke, s obzirom da su iste utvrđene na osnovu zahtjeva budućeg nositelja odobrenja za privatnu praksu, odnosno budućeg osnivača apoteke, a odobrene po uloženom zahtjevu.

VII

Ova odluka stupa na snagu danom donošenja i bit će objavljena u "Službenim novinama Kantona Sarajevo" i na web stranici Ministarstva zdravstva.

Objašnjenje

U skladu sa članom 6. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13 i 27/14), kantonalno ministarstvo zdravstva, određuje slobodne lokacije na kojima će se osnivati apoteke. Na osnovu demografskih i geografskih kriterija utvrđenih u članu 3. i 4. pomenutog Pravilnika koji definiše udaljenost apoteka i broj stanovnika za osnivanje apoteka i to: osnivanje jedne apoteke za snabdijevanje lijekovima, i to na 3.000 stanovnika, a u općinama, gradovima, odnosno gradskim i ruralnim oblastima sa više od 3.000 stanovnika za snabdijevanje lijekovima dozvoljeno je osnivanje dvije apoteke za najmanje 8.000 stanovnika, odnosno svaka sljedeća apoteka može se osnovati na svakih daljih 5.000 stanovnika, polazeći od 8.000 stanovnika.

Pored navedenih kriterija, Ministarstvo zdravstva Kantona Sarajevo je cijeno potrebe lokalnih zajednica za apotekarskom službom sa aspekta potreba stanovništva uzimajući u obzir ukupan broj stanovnika tog lokaliteta i postojeći broj apoteka, položaj ambulanti porodične medicine, te saobraćajnu povezanost apoteke kako bi se osigurala dostupnost stanovništvu.

S obzirom na zaprimljene prethodne zahtjeve i opravdanost osnivanja apoteka na područjima na kojima je evidentna nova stambena izgradnja i gdje se očekuje veći broj stanovnika tokom 2018. godine, Ministarstvo zdravstva Kantona Sarajevo je cijeno nužnim osnivanje apoteka na lokacijama utvrđenim tačkom II ove Odluke. Za više zaprimljenih zahtjeva na istoj lokaciji, uvažavat će se redoslijed podnesenih prethodnih zahtjeva.

Imajući u vidu naprijed navedeno odlučeno je kao u dispozitivu ove Odluke.

Broj 10-05-10035/17
18. januara 2018. godine
Sarajevo

Ministrica
Zilha Ademaj, s. r.

Ministarstvo za rad, socijalnu politiku, raseljena lica i izbjeglice

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 38. stav 2. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" broj 38/14 - Prečišćeni tekst, 38/16 i 44/17), ministrica za rad, socijalnu politiku, raseljena lica i izbjeglice Kantona Sarajevo donosi